

**МЕСЯЦА ИУНИА В 5-Й ДЕНЬ.**

**СЛУЖБА ПРЕПОДОБНОМУЧЕНИЦЕ ЕЛИСАВЕТЕ**

**И ДРУЖИНЕ ЕЯ**

**ТВОРЕНИЕ НЕКОЕГО АФОНСКАГО СВЯЩЕННОИНОКА**

Аще настоятель изволит, службу сию можно присоединять  
к службе преподобному Сергию.

**На Господи, воззвах: стихиры на 6.**

**Глас 1.**

**Подобен: Небесных чинов:**

**Преподобномученица** Елисавета, / вземши крест свои на рамо свое, / бывши послушлива даже до смерти / за Возлюбльшаго, глаголаше: / никтоже мя разлучит / от любве Его!

**Варвара** преподобномученица, / верна бывши начальнице своей в жизни временной, / пребысть верна до конца / по слову подвигоположника Христа: / верныи в мале / и в велице верен есть.

**Отрасли** от благаго корене: / князи страсотерпцы иподиакон Иоанн, Константин и Игорь / добре страдаша за Христа. / Но аще настанет на ны, Господи, время и нашего испытания, / да принесем и мы плод духовный, / и да венчаемся.

**Днесь** Сергию преподобному празднуем, / мощей ради пренесения, / великий же князь Сергиии страсотерпец / в вечность преселяется, / вкупе с верным Феодором. / Все да убажуются от нас.

**Слава, глас 6:**

**Овчата** истиннаго Пастыря / являеми страстоносцы, / преподобномученицы Елисавето и Варваро, / князи великии Иоанне, / Константине, Игоре и Сергие, / страсотерпцы же Феодоре вкупе с Владимиром, / посреде дивиих волков невреждени пребысте / и скончавше добре течение / и веру соблюдше пастыреначальнику Христу, / божественнии, во ограду небесную вселистесь.

**И ныне, Богородичен или Крестобогородичен.**

**Кто** Тебе не убажит, Пресвятая Дево; / кто ли не воспоет Твоего Пречистаго Рождества; / безлетно бо от Отца Возсиявый Сын Единородный, / Тойже от Тебе, Чистыя, пройде, / неизреченно воплощя: / естеством Бог сый, / и естеством быв Человек нас ради, / не во двою лицу Разделяемый, / но во Двою Естеству / неслитно Познаваемый. / Того моли, Чистая, Всеблаженная, / помиловатися душам нашим.

**На стиховне стихиры Октоиха.**

**Слава, глас 8:**

**Подобен: О преславнаго чудесе:**

**М**ученицы Христовы прехвальнии, / гонителей стремления, / и нуждную смерть нивчтоже вменивше, / и благодарзостно ополчившеся / мужемудренно к борением, / победоносною славою одеястесь, / и причтостесь всем праведным, / с нимиже вас всегда / хваляще, ублажаем.

**И ныне, Богородичен или Крестобогородичен.**

**Тропарь, глас 4:**

**К**ротость и смирение и любовь вселивши в душу свою, / усердно послужила еси страждущим, / страсотерпице святая княгине Елисавето, / таже с верою претерпела еси / страдания и смерть за Христа, / с мученицею Варварою. / С неюже моли о всех с любовию почитающих вас.

**НА УТРЕНИ,  
канон, глас 8, на 6:**

**Песнь 1**

**Ирмос:** Воду прошел, яко сушу, / и египетскаго зла избежав, / израильтянин вопияше: / Избавителю и Богу нашему поим.

**Веры** броней оградившися страсотерпцы непобедимии, воинов Христовых осмерица всечестная крестом на враги вооружишася.

**Не** на князи и сыны человеческия упование свое возложивше, святии, но на единого Бога, Тому верно послужите в преподобии и правде.

**Сынове** тьмы беззаконнии лишиша вас жизни и царства временнаго, обаче Небесному Царствию устремилися есте, идеже творит Господь сыны света.

**Велия** ваша страдания и больша дарования: Царя Небеснаго молитесь от тли и бед избавитися совершающим память вашу верно.

**Богородичен:** От дел спасения несть ми, Владычице, грехи бо прилагаю ко грехом, и к злобе злобу: молитвою убо Твоею, Чистая, ущедрити и спаси мя.

**Песнь 3**

**Ирмос:** Небеснаго круга / Верхотворче, Господи, / и Церкви Зиждителю, / Ты мене утверди в любви Твоей, / желаний краю, верных утверждение, / Едице Человеколюбче.

**Возлюбила** еси богоизбранный народ, преподобномученице богоблаженная, якоже Руфь древле, и глагола еси: святая Русь не погибнет! Искала еси всем спастися и в разум истины приити.

**Жениха** земнаго лишилася еси, обаче Небеснаго обрела, Егоже ради отреклася еси от мира сего и вся яже в нем, глаголя: несть свят паче Тебе, Господи!

**Любовь** ко врагом стяжала еси Елисавета милосердная, не токмо словом, но делом и истиною подобящися Богу, об убивающих ю молящися: прости им, не ведят бо что творят!

**Клеветаша** на тя лукавии человецы, не ведяще яко клеветник еси диавол. Но яко смиренная подражательница Христа, вся в кротости претерпела еси.

**Богородичен:** Суд при дверех, судище готово, уготовися, смиренная душе, и возопий: внемди судити Ти, Слово, не осуди мене, молитвами Рождшия Тя.

**Седален, глас 3:**

**Светло** празднуем днесь память Алапаевских страсотерпцев, / иже доблественно пострадаша, / живопогребенни в рове глубоце, / в непрестанном славословлении Христа, / диаволу прелесть упраздниша и смерть попраша, вопиюще: / Христос воскрес из мертвых!

**Богородичен:** Святая Дево, Мати Христова, / мучеников славо / и ангелов радости, / с ними моли Сына Твоего, / ущедрити и спасти рабы Твоя.

## Или Крестобогородичен.

### Песнь 4

**Ирмос:** Услышах, Господи, / смотрения Твоего таинство, / разумех дела Твоя / и прославих Твое Божество.

Отцем твоим послушания ревнительница сущи, стяжала еси мать непорочных молитвы: глубочайшее смирение.

Марфа убо служаше Иисусу, Мария же седяше при ногу Его. Ихже образ была еси, преподобномученице, в деянии обрела еси видения восход во обители твоей.

Имуще сердца молитвою и слезами очищенные, преподобныя жены Елисавето с другинею Варварою, во свете непреступнем зрите свет.

Ни сна дала еси очима твоима, ниже веждама дремания, дондеже достигла еси любви благих, присно учащи чада твоя: любите друг друга!

**Богородичен:** Объем греховныя плоды, умертвихся, и принося душу неплодну, зову Ти: плодоносну покажи, Яже Плодом Твоим тление потребившая.

### Песнь 5

**Ирмос:** Просвети нас повелении Твоими, Господи, / и мышцею Твоею высокою / Твой мир подаждь нам, / Человеколюбче.

Алчущих питательницы, странных утешительницы, неизлечимых больных посетительницы были есте, сего ради небесная наследовасте.

Сострадательная Елисавета потщася овчата заблудшия разыскати, подражающи Пастыря доброго, Иже рече: приидох спасти погибшаго.

Кротость присную, смирение высокое, нелицемерную любовь, мудрость же духовную стяжала еси, сего ради тя ублажаем.

Рыдание и горе неутешное постиже обитель мирную, егда ты человецы зверонравнии от среды верных учениц твоих отлучаху, ты же всех утешаше.

**Богородичен:** Надежду и утверждение, и спасения стену недвижиму имуще Тя, Всепетая, неудобства всякаго избавляемся.

### Песнь 6

**Ирмос:** Ризу мне подаждь светлу, / одейся светом, яко ризою, / Многомилостиве Христе Боже наш.

Язвы Господа Иисуса на телесех ваших носяще, всю силу адову в терпении покористе.

Мученицы непобедимии, не отвергостесь Пожершагося за вы. Но Тому жертву непорочную себе принесосте.

На камени заповедей бе основана храмина душ ваших, сего ради неподвижни пребысте, страстотерпцы осмочисления.

**И**же на земли изгнани быша Христа ради, ныне небожителие блаженнии радуются во вся веки.

**Богородичен:** Препетая Владычице, во святых Почивающаго паче слова родила еси, сего ради Тя песньми почитаем.

#### **Кондак, глас 4:**

**От** славы царственныя, взявши крест Христова, / прешла еси к славе небесней, / молящися за врагов, / и обрела еси радость вечную, / святая мученице княгине Елисавето, / с Варварою мученицею. / Темже молитве о душах наших.

#### **Икос:**

**Ж**ертвы Богу живопогребенныя, в кладязеподобный ров низринутыя; прежде всех Елисавета страсготерпица, к горним устремленная княгиня милосердная, бисер Православия в новом отечестве обретшая, евангельски убийцу мужа своего простившая, молитвою, бдением и благотворением Богу угодившая, безбожными же беспощадно умученная, темже вопием ти: Радуйся, сердцем в Бозе утвержденная; радуйся, с верою и упованием понесшая крест твой и Христу последовавшая. Радуйся, избранная Богом на служение страждущим, невесто Христова; радуйся, отдавших жизнь на служение ближним покровительнице. Радуйся, заповеди Господни исполнити возжелевшая; радуйся, ревность по Бозе в сердцах наших воспаляющая. Радуйся, презренных и отверженных не оставляющая; радуйся многия души от тьмы греховныя и погибели спасающая. Радуйся, приобщитися страстем Христовым удостоившаяся; радуйся, в исповедничестве подвиже люди российския утверждающая. Радуйся, жертво непорочная, благоприятная, Богу принесенная; радуйся, со всеми святыми земли нашея торжествующая. Радуйся, преподобномученице Елисавето, молитвенница о душах наших.

#### **Песнь 7**

**Ирмос:** От Иудеи дошедше, / отроцы в Вавилоне иногда / верою Троическою пламень пещный попраша, поюще: / отцев Боже, благословен еси.

**П**ожертвы быша святии, якоже агнцы, за прегрешения народа их, и безгласны ведошася на предлежащий им подвиг, взирающе на начальника веры Иисуса.

**Я**ко трие отроцы в пещи, песнь победы над смертию воспеваху в шахту ввержени, мученицы святии: Избавителю Боже, благословен еси.

**Б**лажени есте, умирающии о Господе, отныне да почиете от трудов ваших, дела бо ваша вслед вас да ходят, рече Дух Святой, повелевая и нам вопити: Боже, благословен еси.

**П**одобает вам почесть от Господа, пострадавшим крепко, и обнажившим хитрости вражия, и поющим согласно: Избавителю Боже, благословен еси.

**Богородичен:** Подаждь нам радость нечаянную, еже радуйся от ангела приемшая, да гласом велиим возопиим: Избавителю Боже, благословен еси.

## Песнь 8

**Ирмос:** Благословите, отроцы, / Троицы равночисленнии, / Содетеля Отца Бога, / пойте снизшедшее Слово / и огонь в росу претворшее / и превозносите всем жизнь / подавающаго Духа Всесвятаго во веки.

**Воини** Христолюбивии, изнесше святая тела ваша из земли, честию во гробы положиша, песнь надгробную поюще: священницы, воспойте, людие, превозносите Господа во веки.

**Возлюбивши** Сион, Божие жилище, и возжелавши видети благая Иерусалима вся дни живота своего, святая Елисавета, погребение в нем прият, идеже священницы поют, людие превозносят Христа во веки.

**Земля** положением священных мученик мощей освятися: ибо источник источающ исцелений всяческих сия Божественнаго стяжавает, страсти телесныя и душевныя непрестанно исцеляющи превозносящим Христа во веки.

**Триипостасный** Боже! Приими нас, грешных, болезненный глас воздыхания сердечнаго. Призри на страждущую страну нашу, да и в той выну священницы поют, людие же воспевают Тя во вся веки.

**Богородичен:** Просвети ми очи сердечныя, Яже дверь света чистая, облак страстей и тьму глубокую разгоняющи, да поют священницы, люди же превозносят Тя во вся веки.

## Песнь 9

**Ирмос:** Воистинну Богородицу / Тя исповедуем, / спасеннии Тобою, Дево Чистая, / с безплотными лики Тя величающе.

**Вы,** страстоносцы осмочислении, в чаянии осьмаго дне пребывали есте непоколеблеми до скончания временнаго жития.

**Царственнии** отрасли достохвальнии, паче плотскаго благородия духовное улучили есте. Горняго Царствия возжелели есте, идеже Христос царствует.

**Бог** бо есть Бог живых, глаголет Господь, посему не забудьте чад ваших в рассеянии сущих и страждущую страну Российскую, да избавимся от лютых врагов наших.

**Пред** святыми мощами вашими в земном Иерусалиме молимся: прежде даже до конца не погибнем, заступите нас и введите в горний Иерусалим.

**Богородичен:** Пред Державною Твоею иконою, Владычице, моляхуся страсготерпцы: не отыми от нас покрова Твоего!

**Светилен:**

**Подобен:** Небо звездами:

**Приидите,** мучениколюбцев собор, zde совокупльшися в Гефсиманийстей веси, припадем к честным мощем страсготерпиц и в молитве теплой испросим ниспослати нам мир и велию милость.

**Богородичен:** Оболкся в мя, пройде из Тебе Бог, нетления облече мя одеждою, злым нравом обнажшася Божественная одежды, Богородительнице Владычице, всех человеков прибежище, мучеников венценосных утверждение, и ангелов радование.

**На стиховне Октоиха.**

**Слава, глас 1:**

**В** заточении злостраждуща, / молитву деяте, / и в шахту ввержени  
благодуществующа пояте, / яко Даниил во рву львином, / темже избавите ны от  
рова страстей наших, / верою и любовию совершающих память вашу.

**И ныне: Богородичен или Крестобогородичен.**

## НА ЛИТУРГИИ

### Блаженны Октоиха, на 4, и от канона святых, песнь 3, на 4.

1. **Возлюбила** еси богоизбранный народ, преподобномученице богоблаженная, якоже Руфь древле, и глаголала еси: святая Русь не погибнет! Искала еси всем спастися и в разум истины приити.
2. **Жениха** земнаго лишилася еси, обаче Небеснаго обрела, Егоже ради отреклася еси от мира сего и вся яже в нем, глаголя: несть свят паче Тебе, Господи!
3. **Любовь** ко врагом стяжала есть Елисавета милосердная, не токмо словом, но делом и истиною подобящися Богу, об убивающих ю молящися: прости им, не ведят бо что творят!
4. **Язвы** Господа Иисуса на телесех ваших носяще, всю силу адову в терпении покористе.
5. **Мученицы** непобедимии, не отвергостесь Пожержагося за вы. Но Тому жертву непорочную себе принесосте.
6. **На** камени заповедей бе основана храмина душ ваших, сего ради неподвижни пребысте, страстотерпцы осмочисления.

### Тропарь, глас 4:

**Кротость** и смирение и любовь вселивши в душу свою, / усердно послужила еси страждущим, / страстотерпице святая княгине Елисавето, / таже с верою претерпела еси / страдания и смерть за Христа, / с мученицею Варварою. / С неюже моли о всех с любовию почитающих вас.

### Кондак, глас 4:

**От** славы царственныя, взявши крест Христова, / прешла еси к славе небесней, / молящися за врагов, / и обрела еси радость вечную, / святая мученице княгине Елисавето, / с Варварою мученицею. / Темже молитесь о душах наших.

### Прокимен, глас 4:

**Прокимен:** Святым, иже суть на земли Его, \* удиви Господь вся хотения Своя в них.

**Стих:** Предзрех Господа предо мною выну.

### Апостол рядовой и святых к Римлянам зачало 99.

**Братне:** **Вѣ**мы же, ѿкъ любящыиъ вѣа всѣхъ поспѣшествуютъ во бѣгоѣ, сѣщыиъ по предѣвѣдѣнїю звѣанныиъ: и хже во предѣвѣдѣ, (тѣхъ) и предѣстави сообразныхъ быти ѡбразъ сѣа своего, ѿкъ быти еиъ первороднѣ во многихъ братїахъ: а и хже предѣстави, тѣхъ и призвѣ: а и хже призвѣ, сїхъ и ѡправдѣ: а и хже ѡправдѣ, сїхъ и прослѣви. **Ч**то ѡубо речеиъ къ сїиъ, ѿще вѣтъ по насъ, кто на ны, **И**же ѡубо своего сѣа не пощадѣ, но за насъ всѣхъ предѣлѣ естъ егò, какъ ѡубо



не ѿ съ нѣмъ всѣмъ намиъ дѣрствуетъ; **Кто** поѣмлетъ на избраннаго вѣтъ, вѣтъ ѡправдаѣмъ. **Кто** ѡсѣждаѣмъ; **Христосъ** иже ѡмѣрыи, паче же ѿ воскресыи, иже ѿ ѣсть ѡ деснѣю бѣа, иже ѿ ходѣтайствуетъ ѡ насъ. **Кто** ны различитъ ѿ любвѣ вѣтъ, скорбь ли, илѣ тѣснотѣ, илѣ гонѣнїе, илѣ глѣдъ, илѣ наготѣ, илѣ вѣдѣ, илѣ мѣчь; ѣкоже ѣсть писано: ѣкѡ тебѣ ради ѡмерцѣвѣемъ ѣсмы вѣсь дѣнь: вѣнѣхомса ѣкоже ѡвцы заколенѣа. **Но** во всѣхъ сѣхъ преповѣждаѣмъ за возлюбльшаго ны. **Извѣстѣхомса** бо, ѣкѡ ни смѣрть, ни живѣтъ, ни ѣггѣли, ни начѣла, ниже сѣлы, ни настоѣщаа, ни градѣщаа, ни высотѣ, ни глѣбннѣ, ни ѣна тѣварь кѣмъ возмѣжетъ насъ различити ѿ любвѣ вѣтъ, иже ѡ христѣ иже гдѣ нашѣмъ.

#### **Аллилуиа гласа и святых глас 4:**

**Возваша праведнии и Господь услыша их и от всех скорбей избави их.**

#### **Евангелие рядовое и святых от Луки зачало 106.**

**Рече** гдѣ своимъ ѡченикомъ: **Прежде** же сѣхъ всѣхъ возложѣтъ на вы рѣки своѣ и ѣжденѣтъ, предающе на сѣнница и темницы, ведѣмы къ царѣмъ и владыкамъ, имене моего ради: прилѣчѣтса же вамъ во свидѣтельство. **Положите** ѡубо на сердцахъ вашихъ, не прежде похѣтѣтса ѡвѣщавѣти: ѣзъ бо дамъ вамъ ѡустѣ и прѣмѣростъ, ѣйже не возмѣгѣтъ противѣтѣтса илѣ ѡвѣщѣти всѣ противѣлѣющѣмъ вамъ. **Предани** же вѣдѣте и родѣтели и братѣю и родомъ и дрѣгн, и ѡмертѣлѣтъ ѿ васъ: и вѣдѣте ненавидѣми ѿ всѣхъ имене моего ради: и власть главѣ вашей не погѣбнетъ: въ терпѣнїи вашихъ стѣжѣте дѣшы вашѣ.

**Причастен:** Радуйтѣся, праведнии: